

Retningslinjer for barnevernsutvalet i Samnanger kommune

Føremål

Samnanger kommune har eit barnevernsutval som kan gje barnevernet råd i saker som kan førebyggja at barn og unge vert utsette for omsorgssvikt eller utviklar åtferdsproblem. Utvalet skal gje råd i vanskelege saker (jf. «Mål og retningslinjer for barnevernet»). Primært gjeld det saker som kan medføra tvangstiltak. Utvalet har ikkje vedtaksmynde.

Samansetjing

[Delt innstilling med to alternativ:]

Alternativ 1:

Barnevernsutvalet har fire medlemmer. Desse skal gjennom utdanning og praksis ha bakgrunn frå fagområde som er særleg relevante for barnevernet. Medlemmene i utvalet skal ikkje vera tilsette i Samnanger kommune.

Alternativ 2:

Barnevernsutvalet har seks medlemmer. Fire av medlemmene skal gjennom utdanning og praksis ha bakgrunn frå fagområde som er særleg relevante for barnevernet. Dei to andre medlemmene skal vera lekfolk på dei fagområda som er særleg knytte til barnevernet. Medlemmene i utvalet skal ikkje vera tilsette i Samnanger kommune

Val

Utvalet vert valt av kommunestyret første halvår 2021, og seinare kvart fjerde år. Utvalet vel sjølv leiar og konstituerer seg elles så langt som det trengst.

Sakshandsaming

Barnevernsutvalet kjem i funksjon ved at barnevernsleiaren vender seg til leiaren i barnevernsutvalet og ber om råd. Leiaren i utvalet kallar deretter inn til møte så snart som mogeleg. Barnevernsleiaren på si side pliktar å be om råd så snart han vurderer tvangstiltak for eit barn. Ved akuttvedtak i barnevernet må konsultasjonen skje innan to dagar etter at atakuttvedtaket er gjort.

Barnevernsutvalet held så mange møte som det trengst, og avgjer sjølv arbeidsforma si. Leiaren i utvalet og barnevernsleiaren vert einige om kva fristar som må setjast for utvalet sitt arbeid.

Rådmannen syter for sekretær til barnevernsutvalet.

Tieplik og personvern

Barnevernsutvalet får fullt innsyn i sakene det handsamar, og medlemmene har same tieplik som barnevernet, i samsvar med føresegnene i barnevernloven og forvaltningsloven.

Godtgjersle

Fagmedlemmene i utvalet får betaling på grunnlag av fakturert tidsbruk. Lekmedlemmene får same møtegodtgjersle som kommunestyret og følger elles dei kommunale reglane for m.a. erstatning for tap av inntekt i «Forskrift om godtgjersle, dekking av utgifter, m.m. for folkevalde, Samnanger kommune».